



Broj:
Sarajevo,

Na osnovu člana 47. Zakona o radu ("Službene novine Federacije Bosne i Hercegovine", broj: 26/16, 89/18 i 44/22), člana 10. Odluke o platama i naknadama u organima Grada Sarajeva ("Službene novine Kantona Sarajevo" broj: 4/23), članova 11. - 16. i člana 33. Pravilnika o radnim odnosima državnih službenika i namještenika u organu uprave Grada Sarajeva i stručnim službama Grada Sarajeva broj: 01/04-30-2260/23 od 27.02.2023. godine, i člana 49. Poslovnika Gradskog vijeća Grada Sarajeva ("Službene novine Kantona Sarajevo", broj: 28/09, 11/20 i 19/20), Administrativna komisija Gradskog vijeća Grada Sarajeva, donosi:

Radni materijal

RJEŠENJE

o izmjeni Rješenja o utvrđivanju i korištenju godišnjeg odmora za 2023. godinu

1. U Rješenju broj: 04-GV-02-966-1.1/23 od 26.06.2023. godine, kojim je **Benjamini Karić**, gradonačelnici Grada Sarajeva, utvrđeno pravo na korištenje godišnjeg odmora za 2023. godinu, mijenja se tačka 4. na način da ista glasi:
 4. „Prvi dio godišnjeg odmora u trajanju od 15 radnih dana imenovana će koristiti u periodu od **02.10.2023. godine do 20.10.2023. godine.**“
2. U ostalim djelovima Rješenja ostaje neizmjenjeno.

O b r a z l o ž e n j e

Pravni osnov za donošenje rješenja sadržan je u članu 47. Zakona o radu u kojem je propisano da uposlenik, za svaku kalendarsku godinu, ima pravo na plaćeni godišnji odmor u trajanju od najmanje 20 radnih dana. Članom 10. Odluke o platama i naknadama u organima Grada Sarajeva propisana je nadležnost Administrativne komisije.

Godišnji odmor je pravo i obaveza da se iskoristi u toku kalendarske godine. Godišnji odmor može se koristiti dva dijela, s tim da se prvi dio godišnjeg odmora koristi bez prekida u trajanju od najmanje 12 radnih dana, a dugi dio najdalje do 30. juna naredne godine.

Imenovanj je Rješenjem broj: 04-GV-02-966-1.1/23 od 26.06.2023. godine utvrđeno pravo na godišnji odmor za tekuću 2023. godinu kao i termini korištenja prvog dijela godišnjeg odmora. Budući da imenovana iz objektivnih razloga i potreba posla neće biti u mogućnosti koristiti prvi dio godišnjeg za 2023. godinu u prvobitno utvrđenom terminu, pristupilo se donošenju Rješenja o izmjeni rješenja o utvrđivanju i korištenju godišnjeg odmora za 2023. godinu, u dijelu koji se odnosi na period korištenja prvog dijela godišnjeg odmora za tekuću godinu.

Cijeneći sve naprijed navedeno, riješeno je kao u dispozitivu.



Pouka o pravnom lijeku:

Protiv ovog rješenja imenovana ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema Rješenja.

Predsjedavajući Administrativne komisije

Jasmin Ademović

Dostaviti:

- Imenovanoj,
- Gradskoj služba za finansije,
- Personalni dosje.